



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA CENTAR SARAJEVO
OPĆINSKI NAČELNIK

P R A V I L N I K O DOPUNAMA
PRAVILNIKA O KRITERIJIMA I RASPODJELI NOVČANIH SREDSTAVA ZA DODJELU
JEDNOKRATNE NOVČANE POMOĆI ZA TROŠKOVE LIJEČENJA LICIMA U STANJU SOCIJALNE
POTREBE

Juli, 2025. godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH " broj 49/06 i 51/09), člana 25. Statuta Općine Centar Sarajevo –prečišćeni tekst («Službene novine Kantona Sarajevo», broj 23/04) ,člana 171. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" broj: 38/14- Prečišćeni tekst, 38/16, 44/17,28/18 , 52/21,40/22 i 13/25), a u vezi sa tačkom 5. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24), Općinski načelnik donosi

**PRAVILNIK O DOPUNAMA
PRAVILNIKA O KRITERIJIMA I RASPODJELI NOVČANIH SREDSTAVA ZA DODJELU
JEDNOKRATNE NOVČANE POMOĆI ZA TROŠKOVE LIJEČENJA LICIMA U STANJU SOCIJALNE
POTREBE**

Član 1.

U Pravilniku o kriterijima i raspodjeli novčanih sredstava za dodjelu jednokratne novčane pomoći za troškove liječenja licima u stanju socijalne potrebe („Službene novine Kantona Sarajevo“ broj: 11/21,6/22 i 6/23) u članu 7. tačka b) iza riječi „bezglutenske ishrane“ dodaju se riječi „za oboljele od celiakije ili kronove bolesti“.

Član 2.

U članu 9. iza stava (2) dodaje se novi stav (3) koji glasi:

„ (3) Podnosilac zahtjeva može istaći prigovor na akt kojim je riješen zahtjev u roku od 8 dana od dana prijema. O prigovorima, u roku od 15 dana od dana podnošenja, odlučuje Komisija za rješavanje prigovora po javnim pozivima koju će posebnim rješenjem imenovati Općinski načelnik.“

Član 3.

Ovaj Pravilnik o dopunama pravilnika o kriterijima i raspodjeli novčanih sredstava za dodjelu jednokratne novčane pomoći za troškove liječenja licima u stanju socijalne potrebe stupa na snagu narednog dana od dana objavljivanja na oglasnoj ploči Općine Centar Sarajevo, a isti će biti objavljen i u Službenim novinama Kantona Sarajevo.

OPĆINSKI NAČELNIK

Broj: 09/B-11-3996/25

Sarajevo: . . 2025. godine.

Srđan Mandić

Napomena:

Pravilnik je objavljen na oglasnoj ploči Općine Centar Sarajevo dana_____2025.godine

OBRAZLOŽENJE

PRAVNI OSNOV

Pravni osnov za donošenje Pravilnika o dopunama pravilnika o kriterijima i raspodjeli novčanih sredstava za dodjelu jednokratne novčane pomoći za troškove liječenja licima u stanju socijalne potrebe sadržan je:

- u članu 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj 49/06 i 51/09), kojim je uređeno da općinski načelnik donosi akte iz svoje nadležnosti;
- u članu 69. Statuta Općine Centar Sarajevo - prečišćeni tekst ("Službene novine Kantona Sarajevo", broj 23/04) kojim je propisano da općinski načelnik donosi, između ostalog, pravilnike;
- u odredbi člana 171. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" broj: 38/14- Prečišćeni tekst, 38/16, 44/17 , 28/18 ,52/21, 40/22 I 13/25) kojim je propisano da se iz općinskog budžeta finansiraju druga prava iz socijalne zaštite, koja svojim propisom utvrđuju općine.

RAZLOZI DONOŠENJA

U cilju zaštite oboljelih od celijakije ili kronove bolesti ukazala se potreba da se pravo na sufinansiranje troškova bezglutenske ishrane omogući kategoriji oboljelih kojima osnovna bolest crijeva uvjetuje da cijeli život koriste isključivo bezglutenske namirnice, dok je za druge bolesti omogućeno korištenje drugih vidova pomoći. Naprijed navedeno iz razloga što je tokom primjene važećeg pravilnika uočeno da ljekari specijaliste daju preporuku o potrebi korištenja bezglutenske ishrane i za bolesti kojima to nije strogo preporučeno odnosno uvjetovano osnovnom bolešću.

Nadalje je, u skladu sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24) bilo potrebno normirati obavezu formiranja Komisije za prigovore za podnosiocima zahtjeva koji nisu zadovoljni odlukom nadležne službe za poslove socijalne zaštite odnosno Općinskog načelnika.

OBRAZLOŽENJE

Član 1. – dopuna člana 7. tačka b Pravilnika o kriterijima i raspodjeli novčanih sredstava za dodjelu jednokratne novčane pomoći za troškove liječenja;

Član 2. – dopuna člana 9. Pravilnika o kriterijima i raspodjeli novčanih sredstava za dodjelu jednokratne novčane pomoći za troškove liječenja;

Član 3.- vrijeme stupanje na snagu Pravilnika.

FINANSIJSKA SREDSTVA

Finansijska sredstva za ovu namjenu obezbijeđena su u Budžetu Općine Centar Sarajevo.